

# OMUKUETU

N:o 2

FEBRUARIE

1952



## OSHILJA SHI NOKUGUILA PEVI.

Joh. 12:23-33.

„Tala, otatu jeni pombanda ku Jerusalem.” Moohapu dika Jesus a holola etameko ljonkatu ja hugunina jomokuenda kue kombanda jevi. Osondaha ndjika taji tameke ecimbo ljeidiliko una natse uc tua hala oku mu landula mondjila juuehamue ue. Ihe esiku limue elaka ndjoka hatu li uvu kehe omumvo itali tu popica ue, oshoka otse tui igilile ediladilo ndjoka. Nenge ngele tua hala oku li taamba shili, otse tua nje-ngua oku li zimina. Uuntu uetu ihau lueda okupukulula nga Petrus: „Omuua, shi valelue u ningue ngaa-ka.” Okuuva ko ondjila juuehamue shoka taji ti, otaku tu njenge, noku ji zimina mokukala kuetu jene okuo okudigu unene kutse. Shoka inashi tu kumica, oshoka nOmuna gua Kalunga uo, kombinga juuntu ue, okua tala sho kua diladila shoka sha li komeho. „Ngashingeji omuenjo guandje gua tukuluka, no ndi tje ngini? Tate, hupica ndje mokacimbo nkaka.” -Ihe elago ljetu, Omukulili guetu sho ina hulicila mpoka egalikano lje, ihe a tsikile: „Ihe, osho shika she eta ndje mokacimbo nkano.” Nenge ngashika mu Getsemane, sho i indile, He e mu kuce uuehame ue, okua hulica eindilo lje nokupusha ombinzi nokua ti: „Ihe ha halo ljangje, aue, oljoje.”

Ohatu pitilile nuupu pelongo lja Jesus ljomoteksti jetu: „Oshili, oshili tandi mu lombuele: Oshilja ngele itashi guile mevi no itashi sile mo, otashi ikalele ashike, ihe ngele tashi sile mo, otashi vala iilja ojindji.” Tse ihatu dimbulukua, muuehamue u cike peni oohapu doka da Jesus da zi mo. Ejele ndika ljoshilja Jesus okue li tumbula, mongundu jaajenda jomoshituci shomu Jerusa'em sho mua li mu na uo aagreka, mboka ja li ja kundana Jesus no ja ji kaalongua je nokuholola ondjuulukue jauo jomeni: „Otua hala okumona Jesus.” Jesus a mono tuu mujo efano lja shoka tashi ta ningua komeho: aapagani taa kongo ondjila jokOmukulili gu uujuni? Ihe okucika kuaapagani ku Jesus kua pula tango ekulilo. Jesus nokua tala efuto, oje e noku li futa, opo aapagani ja mone ehupico. Omoua shoka Oje a tukuluka sho kua tala efano nojoke. Opo tu uape okuigundjilika naua petameko ljecimbo ljeidiliko, onaua nge tatu shi dimbulukua: „One inamu kulilua niinima haji hulu po, oshisiiveri noshingoli omokukala kueni kuonaale mue ku cigulula kooho, aue, onombinzi odigu nondjapuki ja Kristus”. Noku shi dimbulukua tua guana okudiladila shoka Jesus a hala oku shi tu lombuela nelongo ndika lje.

Jesus tu ulukile aalanduli je ondjila tuu ndjoka oje muene e enda najo. „Ngele ku na ngoka ta longele ndje, oje na landule naje; na nkoka ndi li, nomuntu guandje oko ta ka kala.” „Ngele ja kondjica ndje, otaje mu kondjica uo.” Na ngashika Jesus a tala omahepeko ge manga inaga cikana, osho oje ta hunganeke ro omahepeko gaalongua je: „No taje mu gandja ihe okuhepekua, no taje mu dipaga, no tamu tondelua edina ljangje okuiguana ajihe.” Ihe inatu pumbua okuja maahokololambinzi, mu mboka jonale nenge mu mboka taa tidaganua ngashingeji nenge mu mboka taa ka gandja ombinzi jauo pecimbo lomahepeko ga heda popepi, ji ninge ehokololo. Nando onaua ngaa nge tatu diladila uo omahepeko tu ipule: „Ehalo ljetu ljokujakula otali ga vulu tuu?” „Ngele itamu itaala, itamu kala po.”

Ihe euvico ndjoka ljoshilja tali ja shili popepi natse uo. Kagava omukriste omujapani a simana, ote

li fatulula membo lje. „Oshilja sha guile pevi.” Ihe ha membo lje amuke ihe nomokukala kue muene uo. Oje okue eca ooskola noshilonga she sha simana nokua ka kala mokati kaatokele, opo a uape oku ja kuaca noku ja jambula. Ekumagido lja Jesus ljokukanicila oshilonga shejakulo omuenjo, olja tsa muje. Ope na oojakua uo mboka ja taamba shili ekumagido ndika lja Jesus, aakriste aajapuki mboka ehistori ljongerki li shi oku ja hokolola, nongundu onene ja mboka kaje shiuike kaantu ihe mboka taa ka lombuelua esiku enene: „One aalalekua nuujamba ja Tate, ile-ni, mu ka cigulule shika mue shi longelua opeshito ljuujuni. One mua jakula ndje maamuatate aafupi.” Ongoje ua tseja tuu oombuto dika diilja da guile pevi? Esiku limue aantu mboka kaje luetike. Ombuto kaji luetike, ihe mujo tamu zi omuenjo. Ojo haa eca shoka shauo no haa gandja ecimbo ljauo noonkondo dauo neliko ljauo nomagano gauo nokukala kua uo akuhe opo ja uape okunjanjuda oojakua uo noku ja jakula. Ojo je nokuidilika ehalo ljauo jene nokugandja aluhe. Ojo aanangunga, oshoka je na ohole. Ojo ihaa pula shoka ojo taje shi kanica, jo ihaa jalula, aue, oje li mo'uhepo no taa endelele ja ka kuace oojakua uo. Ongoje ou li tuu mondjila ndjika joshilja? Paulus okua li e shi shi, oje e ende najo. Oje okua kongo shoka sho opalele Kristus, Omoua gue. Ihe esiku limue aasitagongalo ojendji je nokuhokolola aakuane-gongalo naalongi pamue najo uo nokutumbula pamue na Paulus: „Ngame kandi na gulue ta diladila nga ngame, oshoka ojo ajehe ohaa kongo jauo jene, ha mbika ja Kristus Jesus.”

Ihe omolua shike otu nokukanica oomuenjo detu? Katu na nani onkondo dokunjanjukilua okukala kuetu okufupi noku ku longica naanaa ngashi tua hala? Pamue Jesus a pula oshindji unene?

Oohapu da Kalunga otadi ti ngini? „Omua kulilua niikulila iidigu: Simanekeni ano Kalunga momalutu geni.” Kalunga ti isimanekica no mutse uo noonkondo odindji, nge tue shi indile nokuzimina uo oje e shi ninge.

Ngashingeji, esiku ndika nda njola oohapu dika, onda kala omuedi guandje guotango mOuambo. Ecimbo ndika lju uda enjanju, sho nda peua ompito jokutala shoka Kalunga e shi ningi moshiguana shika pecimbo ljoomvula domilongo odindji na shoka oje te shi ningi natango. Hasima aatumua ja ljalaelua pevi ngoshilja. Ombuto ja sa, ihe hasima. Iijimati, na mbjoka uo ji luetike, oji li po ojindji. Iilja iipe ja mena. Otaji ka guila pevi palufo luajo no taji ka sa, opo ji ete iilja iipe jo ji vale omuenjo omupe. Onda mono enjanju mokutala etungo ndika enenenene ljontempeli ja Kalunga lja pumbua oombaskena di ili no di ili domaluala gi ili no gi ili uo. Etungo ndjo tali ka pua. Otali ka pua mbala, nesiku ndjoka oombaskena oompe itadi ka pumbiua ue. Omualu guaapagani je ja mo gua guana.

Aakuluntu, oohe noojina. Okuigandja omolu aana kaku na ando oshilonga? Inatu guana ando okuindila, Omoua e ja aadimicile edina lje nando shika tashi ti, tse tu nokuenda nondjila jondjambo nojekakulo? Omuputudi, ino guana ando okuhepeka nokuidimbika ngoje muene, sho ua peua okukokica iilja jaaluhe ja Kalunga? Omugundjuka, ino guana ando okugandja omuenjo guoje kOmoua, nando shika tashi ti, u nokuidilika ehalo ljoje muene nokuzimina Omoua e ku longice? Sha guana shili, tse tu lalakanene esimaneko lja Kalunga nokulongela Kristus.

Eero Hatakka.



## OMUSIAKANO OHAU POPI.

Ame omueenda mOkavango. Onda tumua mo nda dja kOuambo, ndi jakule meongalo la Kuring-Kuru. Manga inai fika meongalo olo ndi li konu'o joshilongo sa Kavango, onda mona epja la Kalunga la uana okulimua nokukunua sili, esi pe na ovanu vahapu ve he fi velaka limue.

Esi nda kala etata lohani ojo, onda kala handi i pomulonga. Omulonga oku oo etambi oko kOuambo. Eengobe dosilongo asise omo tadi nu. Ovanu avese omo tava teke. Ohapa kala pe jadi. Vamue tava julu eesi, vamue omaueenda ku Angola n. s. t. Esi nda tala asise esi, onda kema nda ti: „Uo, epja la Kalunga ondi na oku li lomga ngaali? Osesi paife ame omueenda elaka lavo inai li siiva?” Omusamane umue omukulunu ueongalo eli a tua nge omukumo okua ti: „Omumuange, tala Moses okua li a tala okuja ku Farao saasi e he si okupopja. Kalunga okua ti: Ohai ku pe Aron. Vali ovatumi voje kOuambo ove si si ove omukuanjama. Kalunga iha tula omunu moilonga ine mu pa osilongifo, osesi oilonga ojaje muene.”

Efiku 17. 10. 1951 otua enda nomujakuli uovanaudu Kleopas Nainguendje okutalela po ovajendandjila ava hava i kUushimba uo ku Transvaal. Otua hanga ovo tava popi elaka li he si lambuletu osikavango. Otua ti nava imbe melaka lavo eimbilo nge nani ope na ovakriste tu. Opa li okangudu kovakriste, inene ojevapaani. Ova imba, fje otua ilikana. Esi tua mana, ova ti: „Inatu uda esi mua tumbula, elaka leni katu lu udite. Ngeno okua li esikesike nesikesike ngeno huepo.”

Otua faneka omusijakano posi. Otua pula: „Esi osike?” Ova ti: „Ekulusu”. „Ohamu li mono peni?” Ova ti: „Omeeefingo dovakatoliki.” Natango hatu jellekele nomake: „Openi vali hamu mono? Na omusijakano oo oshilonga sauo osike? Na ohaku tulikua sike?” Ova ti: „Okua dipaelua Jesus Kristus”. „Apa omua ti, ovakatoliki ohave u hambata meefingo. Nje eitavelo la sike?” Ova ti: „Luther.” „Ovaluther navo ohava hambata tu omusijakano?” Ova li po va fa va limbililua kanini. Ova popja nouladi ova ti: „Heno omomuenjo!” Ongudu aise ja li ja hafa sili. Ova dimbuluka kutja mboli ava ovamuaina. Nande tua li hatu popi nomufinda ua findua posi, nena omusijakano ue tu tula kumue ua popja uoovene. Natango otue lipula, ohatu va pe eendjovo dilipi po defindile mo? Otua fikama, saasi ova ti omusijakano otua humbatua momuenjo. Otua mbabala meenulo davo, konjala okangudu akese ka ningua ngaha. Otua ti: „Omusijakano u hambata momuenjo monulo joje mbumu!”

Omusijakano ua popja, ue tu tolokela. Ovakriste vakuetu, otu na sili oilonga ihapu mepja l'omuene i lili na i lili: omauteku momaumbo etu, nomaudifo, nomapukululo n. s. t. Ngaasi omusamane ou a tua nge omukumo ta ti: „Nge oto i moilonga ja Kalunga, ote ku pe osilongifo.” Muajo ohatu pumbua omusijakano oo tu longife muaasise. Jesus ta ti: „Nge kamu kuete nge, itamu dulu sa.” Ovakriste ovakuete, taleni pomulonga, esi pe jadi ovajuli veesi. Posau kesa sao ihape liuhalele pe he na omunu. Longifeni osilimbo oso mua peua ponulo jeni no mosipala seni, omusijakano ua Kristus.

Mua kundilua po ku kaume keni,

Malakia Hauuanga,

## KAAUAMBO JOMEHALAKANO.

Omukuetu te mu tumine ekundo ndika one amuhe: Jesus Kristus oje Omukulili. Oua hupicua tau ku je? Jesus oje Kristus, tashi ti oje Omuaa. Omukuanilua nguka oku li popepi okuja kaantu je mboka je mu tegelela. Ngoje ogumue tuu guaamboka je mu tegelela? Otundi ja cikana mu penduke moomposi, oshoka ehupico ljetu li li popepi natse ngashingeji, li vule ljesiku ndjoka tua tameke okuitaala. Uusiku ua ti kongulasha. Rom. 13:11, 12. Jesus Kristus oje ngo te ende te ja ku ngoje tuu ote engena.

Otandi mu cikicile uo omapukululo gamue. One mboka mua shashua, amuhe omu na tuu ombapila jegongalo ljaandjeni? Ngele ku ji na, ji pula kegongalo ljaandjeni, oto ji peua, Ngoje nguka u na ombapi-

la jegongalo pamue nke ue ji pelue sho ua shashua muka mUushimba, oja njolelua tuu mooramata degongalo sho ua li mOuambo? Ngele inaji njolelua mo ji tuma nga komusita guegongalo ljaandjeni ope e ji ku galulile ja za momambo gegongalo ljaandjeni. Ongoje nguka u nombapila jomegongalo ljaandjeni oue ji falele ko tuu kegongalo sho ua li mOuambo? Ngashingej sho u li mUushimba, oue ji fala tuu kaajakuli megongalo u li mo? Ongoje omukuanjegongalo tuu ua tsejika huka kOuambo nosho uo kUushimba? Ou na tuu omuenjo megongalo?

Otse atuhe otu shi shi ombapila jegongalo itaji lupica omuntu nando a kala najo, manga uaa nekua-tacano nOmuaa Jesus. Itashi vulika uo omukriste e nehangano nOmuaa a kale kee na ombapila jegongalo, aue. Omukriste guashili oje e li puujelele, oshoka oje omuna guujelele. Ota holoka mehanganu ljaakriste aakuata mOuambo no kUushimba, ihe aana jomilema otaa holama, noombapila dauo je di pungula nuudiginini ngashi ja pungula omuenjo. Otaa tala omusitagongalo guaandjauo, otaa tala anina okugandja iigandjua jegongalo. Itatu ningua aajuuki kokutsejika komusitagongalo nenge kokugandja iigandjua, aue, mbika ojo iijimati taji iimi mokukala kuetu. Omukriste e nomuenjo mu Jesus ita vulu a kale kee na eendacano nomusitagongalo ljaandjauo, ota ji kuje oluindji a kuacue muunjengui ue. Ngele ina gandja iigandjua oku iuvite oje omunangunga koshipala sha Kalunga. Omumuatate omuaambo guomeha'akano, ongoje omukriste tuu guopujelele nenge oguomeholamo ngcka ino tsejika no kooitaali aakueni? Ou na tuu omuenjo mu Jesus? Iijimati jilonga joje otaji ku holola tuu ongoje oguOmuaa Jesus? Ou na tuu ombapila jedimo po ljoondjo, oue ji peua tuu ku Jesus? Ou nedidiliko ljombinzi tali ti ongoje ogua Jesus? Oua didilikua tuu?

Ngele ku na ngoka u shi omukueni e nombapila jegongalo ine ji fala kegongalo, mu pukulula e ji fale kegongalo, onaua ngele to mu fala ko. Komeho gaa-jihe tu falacanenani muujelele ua Jesus nomombinzi je. Omuaa ote ja kaakulilua je. Okungoje uo tuu Jesus ote ja? Ou li tuu mongundu ja mboka ja tiua: „Omuaa e ja shi mboka je”?

## OKUA KANA KE NA VALI KEUMBO LAVO.

Lukas 15: 17-24.

Oupuna ue mu kanifa. Oje ina shiiva vali oukalimuenjo. Eumbo lavo e li kanifa po. Okua shingifa po oinima jaje molukaelo, moukolue nomoilonga keshe ja njata jokufimaneka oulunde. Ina mona vali ombili nehafo la uana, ahoue. Ajishe ojo ja li ehafo laje, oja ninga oululu noupjakadi. Omadiladilo aje a njengua, a unda shili. Onghe okue lipopila momuenjo uaje ta ti: „Mboli onda hepa shili, nda ninga epongo epongoelela, nda kana, nda kana. Ohandi ji keumbo letu, pamue tava tumbula nge ndi kale ngashi omupika.” Apa ope na elongo liua shili, l'omuhupifua ou ina dimbua keumbo lavo. Osheshi ope na ovanhu vahapu va dimbua keumbo lavo, nde tava hepifua shili komaudu: endongo, oshinena, oukolue n. s. t. Oupuna ou ve u pelue ku Kalunga ve u nipilashi mounjuni. Oupamene ua ja; eliudo la juka la kana. Ndelene unene ova dimbua oku va dile, keumbo lavo va kanifa ko. Eliudo lavo la pilalekua. Kave shi vali oku tava i naaku tava di. Ndele he javo kave mu shi vali apa ve mu fiile, itava dimbulukua po vali. Nande ove lifiminike okushiva Jesus, otava njengua shili.

Vahapu va kanifa omaumbo, navali oukuashiuana uavo, noukualushe ve u muene pu Jesus. Ova ja mu Unie nomehalakano alishe l'Oushimba. Va kanifa omuhupifi.

Aluka, ila keumbo, oto teelelua. Dja koilongo jopalutu, ila keumbo. Oshivilo shOdjona osha fika.

Paulus Nailenge.

## ETANGO TALI KA LUUDA.

No numvo etango otali ka luuda luaali. Eluudo ljetango oljo 7—8 lja Mars, ihe itali dimbululua unene kOuambo.

Eluudo etijaali oljo ljo 1 lja September. Oljo pamue tali monika nokOuambo.

Omuedi itagu luuda numvo.



## OKULINEKELA KALUNGA OKO ELIKO LINENE.

Elinekelo olo osinama sinene. Omunu ngenge e linekela osinama, oha kala e si naua kutja ote si mono ile ote si peua. Ongene ha kala e na elinekelo losili. Ngasi ofje ovanjasa novasamane, ava hatu kala kOushimba, mokulonga kuetu ohatu longele ondjabi, ojo tu ojo joimaliua. Ngenge omuedi ua manuka, omunu kese okue linekela kutja, ota mono ondjabi ojo joimaliua. Ongene omunu oso ha kala melinekelo la tja ngaho.

Hano ofjeni ovakriste ovakuetu, otua efa jo elinekelo letu. Inatu fa ngasi ovamati ava hava i kOushimba. Eitavelo olo elinekelo lasili. Ngenge fje tu nelinekelo olo lasili, opo hatu dulu okumona omuenjo, osesi omuenjo ualuse otau peua ou e nelinekelo olo lasili. Olo otali jandje omuenjo ualuse.

Inatu efeni eitavelo okuitavela Kalunga, nomona uaje Jesus Kristus, nOmepo Ijapuki. Osesi Omuene uetu Jesus ngenge ta aluka, ota etelele ne ondjabi, ojo omuenjo ualuse. Ote ji jandje ku ou e mu linekela, ile a itavela kutja Jesus oje omuhupifi uange ile uoje.

Hano inatu kofeni. Natu pendukile keitavelo, osesi Omuene uetu Jesus inatu siva ecimbo eli te ja, ngenge onena ile mongula.

Kornelius Augustus.

### KRISTUS OTO MU TILE NGIINI?

Mat. 22: 42.

Aafarisaji, Jesus otamu mu diladila ngiini? Ejamukulo Ijauo: „Oje ta lile pamue naateloni naalunde.” Mat. 9:11. „Omufukedi nonkolui.” Mat. 11:19.

Pilatus, Jesus oto mu tile ngiini? Ejamukulo Ije: „Ngame inandi mona mo oondjo dokusa muie.” Luk. 23: 22.

Judas Iskariot, Jesus oto mu tile ngiini ngono ue mu landa po iimaliua 30? „Ongame onda jono sho nda guaaleke ombinzi jaa noondjo.” Mat. 27: 4.

Omukuluntu guaakuiita, Jesus oto mu tile ngiini ngono ue mu langele? „Oshili nguka

okua li Omuna gua Kalunga.” Mat. 27: 55.

Oosatana Jesus otamu mu tile ngiini? „Oje Omuna gua Kalunga.” Mat. 8: 29.

Johannes Omushashi, Kristus oto mu tile ngiini? „Tala Onzigona ja Kalunga taji humbata po oondjo duujuni.” Joh. 1: 29.

Johannes Omutumua Kristus oto mu tile ngiini? „Oje onjoci jongola.” Ehol. 22: 16.

Petrus, Kristus oto mu tile ngiini? „Ongoje shili Omuna gua Kalunga.” Mat. 14:33.

Paulus, Kristus oto mu tile ngiini ngono ua kala noku mu hepeka? „Oshili iinima ajihe sho nde ji tegameke nokutseja Kristus Jesus Omvua guandje, onde ji tala ojo oshiponga, oshoka omolue nda kani-ca ajihe no nde ji dina ojo ijagaja jouala ndi likole Kristus.” Fil. 3:8.

Omujengeli, ongoje nguka ua kuluka megulu nelaka ljenjanju u li etele aasita, Kristus oto mu tile ngiini? „Talen, inamu tila, ongame otandi mu uvicile enjanju enene tali ningi ljeni noljaantu ajehe. Onena tuu ndjika mua valelua Omukulili omoshilando sha David, oje tuu nguka Kristus Omvua.” Luk. 2: 10, 11.

Tate jetu ngu u li megulu, Kristus oto mu tile ngiini? „Nguka omumuandje omuholike nde mu hokua. Mui uveni!” Mat. 17:5.

Omunjoli gua adika, Kristus oto mu tile ngiini? „Oje ashihe shomu ashihe, oje ohoole jojene.” Ondjimbo ja Salomo 5:16. „Oje ongala jcinge jomu Saron, ongala jomavo jomesilu.” Ondjimbo ja Salomo 2:1.

Omulundululi gua adika, Kristus oto mu tile ngiini? „Kristus Jesus e ja muujuni a hupice aana ndjo, muaamboka ngame omunene ndi ja vule ajehe, ihe nda siluohenda.” 1 Tim 1:15,16.

Omunjanganjidi, Jesus Kristus oto mu tile ngiini? „Oje ondjila, noshili, nomuenjo.” Joh. 14:6.

Omuleshi, Kristus oto mu tile ngiini? Njola ejamukulo ljoje pomisinda mbali di da hupu mpa. Li njola uo koshitaafula shomuenjo guoje.

(Da lundululua ku Efraim Angula)



### OTANDI CIKAMA E TANDI KONKOLA. Ehol. 3:20.

Uujuni uongashingeji u uda omakolokoto omauinaji, Nomakolokoto ngaka taga citike po epvlakeno ljekonkolo lJomvua komijelomuenjo daantu. Inda u tale poshihelukilo shoka aajunguli jokiilonga jUushimba haa helulilua, ngu u tale omakolokoto guutemba tau matuka tau ka hakana omitenge daajunguli, opo tuu aanuutemba ja mone iimaliua mejakulo ndika. Eeno, okukuacacana oshiuanaua noonkondo. Ihe oshiuinaji uo omuenjo guomujakuli sho tagu ciminikua kohoole jokuhoala eliko. Oshoka omuenjo gua tja ngaaka komueelo guaguo ha Omvua ha konkola ihe okahala.

Oje okua cikama poshijeelo uo shomuenjo e ta

konkola. A hala e je mo opo tuu a teje po iikolokoto ribjo taji injenge momuenjo guoje noguandje. Ota-tu hepa andola, aue, oje ote tu pe ajihe tue ji pumbua: 1) omuenjo gualuheluhe. 2) mbjoka jokolutu tue ji halahala. Mat. 6:33.

Momuenjo ngoka gua menua kohoole ndjika jeli-liko, esiku limue inagu hala okudiginina omadiladilo ngaka.

Aue omukuetu, tu pulakene ko shili sho taku konkolua komuenjo guetu tse tu zimine ekonkolo ndika. Oljo tali tu etele unjambaelela opehulilo ljomasiku ngaka getu kevi ndika. Oshoka mpejaka otapu monika shoka inaashi monika naale komeho gongashingeji. Ou shi shi shoka oshipe momeho kutja otashi eta po iinima mbjoka, onkumue na umbanda. Lesha ano dika Luk. 21: 25-26. Oonkondo domegulu otadi holoka mpaka, evi otali kakama, nena uutemba uetu noompadi detu mo napola gokoshihalicilo otaga muen-ua ouala.

Omuedi otagu tiligana, netango otali sohoni. Oshoka Jehova Omuene guoongundu daakuiita oje ta ningi Omukuanilua muene guevi ndika. Nomalenga ojo mboka haa li uulalelo pamue na Jesus aluhe. Ano haa hungile pamue nOmua Jesus. Ojo itaa tala ku mbika aue, oshoka je egululile Omvua guesimano omijeelo-muenjo dauo.

Jesus ta ti: Onda cikama posheelo uo shoje ngoka ua hala okuninga omupika guuikunuaa noguuhalu ulue ndi ku pange u aluke koshiponga shika. Omuenjo uo nguka ogu li mekolokoto euinaji nomepupa ljoonza oombuinaji tadi citike eiuvo ljuuntu e tapu holoka iilongahoni jouala ihaaji ningua komuntu shila kiishitua jilue. Nangoje uo pulakena nkonko. Oje ngoka ta cikama a hala u zimine e ku pe okunuaelela ombinzi je ondjapuki. Ino igida ue momapola ua fa u na oompuiduli; Mat. 8: 29. Gundjila megumbo ljoje u tegelele Jesus a hala a lje uulalelo pamue na ngoje.

Ano aakuetu ne aaholike, tu pendukeni tse tu pulakeneneni onguka ta ti: Otandi cikama posheelo e tandi konkola.

Th. Nakanjala.



Esiku eti 6 lja Februarie 1952  
Omuua Kalunga okui icana muujuni mbuka  
OMUKUANIILUA GUA ENGLAND

## GEORGE

ngoka a kala no omuleli gua Union no gua  
Suidwes—Afrika. Tu hambeleleni Kalunga  
omolu omupangeli ngoka.

Omukuaniilua omupe ngoka ta pangele  
aaenglisha niiguana ja hangana najo oje osheeli  
shomukuaniilua George, edina lje

## ELIZABETH

Tu mu galikaneneni Omuaa gaaaua e mu pe  
oonkondo dokupangela naua pahalo lja  
ngoka guokombandambanda.

## ESHASHO NEKOLEKO LJAAUAMBO

Esiku eti 23 lja September 1951 mu Orangemund  
mua shashua aauambo 43 no mua kolekua 22. O-  
muhongi Rust guomu Luderitz okue ja jakula ngaji.

15. 10. 51.

Aamuamue aaholike mu Jesus Kristus, ko-  
tokeni. Esiku tali ja ngoluadi. Esiku etihamano 6.10.51  
okua li elilagano enene. Ololi jimue ja zi kOtiwaro-  
ngo, mu na aakiintu 42, ja kandoma. Gumue a si, ja-  
mue ja teka naji. Ano oojakueta tu dimbulukueni,  
haloli ajike, natseni uo, otu li po tua hala okugua no-  
kuza mondjila ja Jesus. Ajihe mbika taji tu dimbu-  
luca tu kaleni nokugalikana shili.

Wilho Ipinge,  
Keetmanshoop.

Tsumeb L. T. D.  
4. 11. 1951

## EKUNDIFO LEKUMAIDO.

Mefiku 4 la November 1951 otua talelua po ko-  
musamane umue omuevangeliste uo kOmaruru. Oje  
okua enda mu Tsumeb, kua li ta i kOvambo okuta-  
lela po ovaneumbo laje kEenana.

Ofje otua ongala komatango motunti onti 6. O-  
tua ongala momuongo uondaha. Opuu imbua eimbilo  
5: 1-4. Omumati umue okua lesa eendjovo di li mu  
Jakob 1: 2-3. Nomuevangeliste okua lesa jo Room. 8:  
12-14 nokua lesa jo mEhololo 21: 1-4.

Okue tu dimbulukifa kutia, opena ihapu jounju-  
ni, ojo tai tu imbi okutambula oupuna ualuse. No  
kue tu sivifa jo, kutja ope na omupolifi e neendunge  
oku tu manga, oje tu oo oikoluifa, saasi ja pukifa  
vahapu vovanjasa vomoUsimba. Opo ne omuru nge-  
nge ta hovele okuja moiketanga jomupolifi a tja nga-  
ha, ota dula okulonga aise ojo ja uapalela omuma-  
ngi uaje. Hano tu lungameni omupolifi ou, oje satana.

Konima jeudifo ovanjasa va imba omaimbilo ata-  
tu: „Tu hafe fje atuse“. „Ua uana okutamba epa-  
ndulo.“ „Enda medina la Jesus.“

Ovakueta tu diinineni fijo hau huuninua.

K. Augustus Shailemo.

## UUDILA NEKODI.

Esiku limue sho nde ende kelundu, onda mono  
uudila uujali tau tidua kekodi lja hala oku u kuata.  
Uudila oua li ua vulua. Okadila kamue sho ka li ka  
vulua ngeji, oka holama puujelele, nekodi olje ja no  
lje ka kuata. Ihe okadila kamue nando ka li ka vulua,  
oki ihepekele shili okutuka sigo ka ada omuti omune-  
ne. Ekodi sho lje ja, inali uapa oku ka kuata, oshoka  
omuti ogua li omunene nogua cita.

Omukriste omukuetu, otu li mokati komakodi o-  
gendji, ngoka ga hala oku tu pukica. Onke ano, ngele  
tage ku kondjica, ga hala oku ku pukica, ino holama  
puujelele, ekodi opo lja ku kuate. Endelega u je ko-  
muti guehupico, oje Jesus Kristus, moka ekodi kali  
uapa okuja mo, komapukico agehe oto ga sindi, ngele  
ou li mu Kristus.

Matti Indongo Nankole.

## AAUAMBO JOKU KAAPSTAD

Sigo ku Kaapa oku naauambo jamue. Oja kala  
moluhepo luokomuenjo, ihe ngashingeji oja mono tuu  
omuhongi omudusi guomongerki onkualuteri, ngoka  
he ja ningile omambo. Ihe oku noluhepo omolu ela-  
ka. Aahongi mbeja otaa popi oshiafrikaans nenge  
oshienglisha, ihe kape na ngoka ta popi elaka ljoshi-  
uambo.

Mosondaha jotango mu November oofeilani jaa-  
li jokOuambo ja li kefudo ku Kaapa je ja talele po.  
Aauambo je ja njanjukilua uunene, sho ju uvu ooha-  
pu dOmuua tadi popiua melaka ljaou jene.

## OOMBIRIVE.

H. Mokahua, te tu dimbuluca tu tse oongolo  
koshipala sha Kalunga.

J. S. David, ote tu kundu nelaka ndika: Nge-  
nge pe na umue uo munje ina uanifa eendunge, oje  
ne li diladile ku Kalunga oje ha jandjele avese noho-  
kue.

G. Hangula, e tu tumine ekundo: Holacaneni  
shili nomuenjo ua jela, osesi mua dalululua ha ko-  
mbuto tai hulu po.

Gideon Shaanika, ota ti: Ngenge to tukuli-  
le ovanu eendjovo da Kalunga lipa manga muene u  
ha fje ondjala jokomuenjo.

D. Jakob, oku nekundo: Dimbulukua Omuaa  
Jesus.

Lukas Abraham, a hala tu kalele Kalunga  
omuanuenjo auike ha uutoje u' uujuni.

Wilhelm Mugandela, Windhoek, oku nolu-  
hodi omolua mboka taa shuna muujunji noku neindi-  
lo Kalunga e tu mangulule oomuenjo detu.

Johannes Jason, Walvisbay, ota ti: Tu landu-  
leni omusinda guevangeli.

Likius H, Walvisbay, a hala nokuhalelela tu  
iimike iijimati.

J. Kustaa, okua mono nkene omuntu a shu-  
ndulua kiikolica, onke te tu lombuele ta ti: Inatu di-  
mbueni okugalikana oshoka oonkondo daakriste odo  
egalikano.

Jafet U., Omaruru, ota ti: Tu kongeniinja jo-  
meulu hajo jopedu.

Batista Marias, ota hokolola nkene aa le a  
senota, ihe Kalunga e mu kuaca.

P. H. K. Kolmanskop a mono nkene omuntu  
a sa ombadilila no te tu londoda tu ilongekide shili.

A. Daniel Tsumeb ota ti: Ngenge to mono omu-  
kueni a senota, mu pa omeja. Tu silacaneni ohenda.

Johannes Hifikua Windhoek, ote tu dimbu-  
luca tu hambelele Kalunga.

J. Kondjeni Natanael Orangemund, ote tu  
dimbuluca nkene Omuna gua Kalunga okue tu uviti-  
le olukeno.

Ruben Teodor Johannesburg te tu kundu ta  
ti: Ofje omiti dOmuene uetu Jesus je e tu helela  
mohole nomefilonhenda laje nokua kala nokutegelela  
oimati.

J. N. D. H. Windhoek ota ti: Tu indileni ku Tate  
Kalunga je e tu pe omepo iua.

Pinehas Ankugo Ombalantu ota hokolola  
nkene moomposi a mono aantu taa shashua nuujelele  
ua fa etango, no mokati kaashashua a mono omuuaji-  
na omupagani, nokua tiua eshasho ndika olja krismes,  
Ondjodi je mu tilica shili.